

DARTORDE AFIRIKKI
WONANDE KAANE BIIAADAMA E KAANE YIMBE

Aranan

Leyde Afirikki ngonde nder Hawjoore go'tummbaaku Afirikki, kabodiide e Dartorde innditirteende Dartorde Afirikki wonande Kaane bii-aadama e Kaane yimbe ;

Dow miccintinde koo Hooreebe Leyde e Hooreebe battaa en, ndartini jonnde wadunde Morowiya, Leydi Liberiya, 17 yaade 20 lewru jeddaburdu 1979, duum won dartinanne 115 (XVI). Dartinanne ndeen, na habbodii winndude anniya Dartorde Afirikki wonande Kaane bii-aadama e Kaane yimbe. Dartinanne ndeen na teddini tabintinde ko bantata de reena Kaane bii-aadama e Kaane yimbe ;

Dow jabande Dartorde Hawjoore go'tummbaaku Afirikki, hende e do fukkini koo ndimaaku, potal, sariya, neddaaku won ko leebi tewteede heba koreeji Afirikki keba ko yonani boy, hebbinee ;

Dow hollitinde aadi teddufo mo be adi nder sardi 2, Dartorde nde, koo be ndaroto heba laamu jiimu Afirikki timma, faa hannden koo be beydan nanngondirde e wallondirde heba be beyda weltaare koreeji Afirikki, faa hannden koo be ndaroto Leyde ngollida doodo be lunndaaki Dartorde Kawral Leyde (faransiire na innditira ONU) e Anndingol kuubungol dow Kaane bii-aadama e Kaane yimbe ;

Dow anndude koo woodude finaataawaaji e badaaji, e neesuuji Afirikki, leebaa yeggiteede nder tabintinde, duum won Kaane bii-aadama e Kaane yimbe ;

Dow anndude aranan fu, koo Kaane bii adama mawde de, kabodaakinaa e tagu bibbe adama en, duum saabii de adunaaru fu na reena de ; didabal, dewal Kaane yimbe tabintinta kaane bii-aadama ;

Dow jabude koo hanere e ndimaaku mono fu, na habbodii e yonere mono fu ;

Dow rafi sikkitondirde koo tilay, hannden hannden, haanere bantaare daranee, koo haanere siwil en, e haanere politikki cenndataako e haanereeji riiku, haanereeji yimbe, e haanereeji finaataawaa, yuude no njoyyiniraa faa e kibuki adunaaru ; faa hannden, yo nde haanereeji riiku, haanereeji yimbe e haanereeji finaataawaa tabiti, ndeen haanere siwil en e haanere politikki tabitata.

Dow hakkilande koo na yoni Afirikki fu rimfa, keddiibe e maccangaaku be, kewta ko'e muubbay, neddaaku muubbay ; daree faa laamu jiimu, jiimu kesu, senndiiru (Afirikki disid) habbendirnu e lenyol, e nguru banndu, siyonismi, konuubi janani naatirdi Leyde semmbe, senndiiru laatiindu fu, ko buri du senndiiru habbodiindu sii, mbuuduuri, nguru banndu, ndewaaku / goraaku, demngal, diina, miilo politikki.

Dow hollitinde koo na ndaranii ndimaaku e Kaane bii-aadama e Kaane yimbe ngonde nder

gollitirdi Hawjoore go'tummbaaku Afirikki e hawjooreeji, hakkunde Leyde e Leyde : haalaaji, konnguli, aadiiji e laawi tabintinaadì.

Dow rafi sikkitondirde koo kambe njoni daranaade bantaare e ndeenagu Kaane bii-aadama e Kaane yimbe, e ndimaakuuji biibbe-aadama en, alla e Afirikki do, na dum hakkilanaa sanne.

Ko rewti dum dartinaama :

TUMMBERE GO'ABERDE : HENDE KAANE E YONEREEJI

TUMMBITERE GO'ABERDE : HENDE KAANE BII AADAMA E YONEREEJI YIMBE

Sardì 1 :

Leyde ngonde nder Hawjoore go'tummbaaku Afirikki, kabodiide e Dartorde Afirikki nde, njabanii kaane, yonereeji e ndimaakuuji limtaadì nder Dartorde nde ; Leyde seen ndartinii koo tabintinan sariyaa ji e laawi ndewetedi heba kaane, yonereeji e ndimaakuuji, dum fu d um golliree.

Sardì 2 :

Mono fu na haani nawtoroo kaane e ndimaakuuji ndartinaadi de tabintinaa nder Dartorde nde, doodo senndiiru senndirtaake taadu : lenyol, mbuuduuri, nguru banndu, ndewaaku/ngoraaku, demgal, diina, miilo kabodiingo politikki maa miilo laatiingo fu, yuudi, jawdi, rimeede, ko laatii fu

Sardì 3 :

1. Sariya yo fotan yimbe fu ;
2. No sariya reenirta oo nih, leebi reenirde oo to du.

Sardì 4 :

Bii-aadama na wodii doolfeede. Bii-aadama fu na jey teddineede, tediniree nguurndam muudum, kibbuki muudum e ne'di muudum. Dum fu dum walanaa hadeede fay go'to.

Sardì 5 :

Bii-aadama fu na jey teddineede ; tedinnee taadu yo bii-aadama, tedinnee taadu sariya na sara dum. Ko faggitoroo bii-aadama e ko jaasinta dum fu, dagu maccangaaku, sonnude yimbe, somnude terde maabeernde, tampiriji maa ngadkiji nyanngudi wadaama moda.

Sardì 6 :

Mono fu na jey rimfude, na jey reenaade. Ndimaaku fay go'to waawaaka te'teede so wanaa sariya rewaa. Nanngiree semmbe maa ommbiree semmbe wadaama mboda.

Sardī 7

1. Mono fu na leebi sadda muudum faamanee, duum won :
 - a) So haanere nde laawi gollitirdi sariya dartini lunndaama, neddo na haani yahude gosorde leebunde yaheede ;
 - b) Kaddi fu gosu gosaaka faa sariyankoobe kolli ko a pennido, a jeyaaka limeede e jukketeefé ;
 - c) Neddo fu na haani tawree ballo gosu ; na jey yi'ude ballo mo muuyi wara walla dūm;
 - d) Neddo fu na haani heba gosilaweede so goseteedo.
2. Fay go'to leebaa jukkee so sariya fukkinaayno jukkannde ndeen. Jukkannde walaa jukketeende so junkannde ndeen fiyaa muudum anndaakano illa ko jukkantee dūm wadaay.

Sardī 8 :

Ndimaaku yonki, golle, rewude diina mo haajaa, dūm fu na dūm woodani mono fu. So ko neddo wadata walaa ko bonnanta suudu baaba, fay go'to waawaa dooldude neddo heba taa wada ko wadata dūum.

Sardī 9 :

1. Haanere humpitere na wonani mono fu.
2. So neddo fercaay sariya, hanere miilo, e yaajinde miilo ngoon na woodani mono fu.

Sardī 10 :

1. So neddo fercaay sariya, na waawi hawritinde e wobbe wada waalde.
2. So baka ko wi'aa nder sardī 29 dūm walaa, goddo waawaa dooldude neddo tawee nder waalde.

Sardī 11 :

Haanere hawritinde e wobbe wada kawrital na wonani mono fu. So ndeenaagu Leydi, ndeenaagu neddo, cellal, ne'di, na waawi bonude, haanere hawritinde walaa.

Sardī 12 :

1. Haanere yahude do haajaa, haanere joodaade do muuyi nder Leydi na wonani mono fu so fercaay sariya.
2. Haanere dillude Leydi laatiindi fu, maa wartude, haajaa tawee Leydi neddo, na wonani mono fu. Haanere nde hadataake so wanaa nde tawaa koo ndeenaagu Leydi,

ndeenaagu nedđo, cellal, ne'di, na waawi bonude.

3. Tampinaado Leydi muudum fu, na waawi yahude Leydi ngo'ndi, dagu no sariya Leydi ndiin yamiri nih, tawee fercay laawi gollitirdi hakkunde Leyde e leyde.
4. Beero awaaado nder Leydi habbodiindi e Dartorde nde, waawaaka riiweede Leydi ndiin so wanaa sariya rewaa.
5. Hawronndinde werbe hewbe riiwa wadaama mboda. Ko buri heewude, riiwo riiwo ngoon, yo riwude yuuroobe Leydi ngo'tiri, kawtube lenyol, mbuuduuri maa diina.

Sardī 13 :

1. Bii Leydi fu na waawi daranaade hawju golleeji Leydi muudum, maa daranoo hoore muudum, maa wada godđo loomta dūm, tawee sariya fercaaka.
2. Haanere hebude gollal nder golleeji gofernema na wonani bii Leydi fu.
3. Mono fu na waawi nawtoraade ko suudu baaba (gofernema) jey, tawee fercaay no sariya yamiri.

Sardī 14 :

Haanere jeyal na woodani mono fu. Haanere nde hadataake so wanaa nde habbodii bononda hu'nde nafoore suudu baaba, de tawee sariya rewaa de haanere ndeen hadaa.

Sardī 15 :

Haanere gollal na woodani mono fu, tawee gollidiibe wođbe burnaaka wođbe, tawee potube golle yo potu njobđi.

Sardī 16 :

1. Hannere yamsude faa wooda na wonani mono fu, yamsirde banndu, yamsirde yonki.
2. Leyde kabđodiide e Dartorde nde mbi'ii ngadan no ngadata fu heba yimbe keba njamu, nyawudo du heba sawreede.

Sardī 17 :

1. Haanere mbirdi na wonani mono fu.
2. Muuyudo fu na waawi daranaade do woni heba nguurndam bura woodude nde weeti fu.
3. Bantaare e ndeenaagu ko habbodii ne'diji e finaatawaaji na yonani Leydi fu, hende e tabintinde Kaane bii-aadama e Kaane yimbe

Sardī 18 :

1. Baade won ngeeyu suudu baaba. Ndelle kanaa Leydi fu daranoo baade, heba ndeenaagu, njamu e ne'di wada.
2. Na tilsani Leydi fu, daranoo baade heba wallita finaatawaaji lobbi di tabita.
3. Na yonani Leydi fu, daroo heba senndiiru debbo timma, daroo heba haanere rewbe e

haanere sukaabe tabita dagu no sariyaaji hakkunde Leyde e Leyde yamiri nih.

4. Neyeebe e njogiibe mallal fu, na kaani wallireede dagu no yonirani boy, hawrana mono fu ndeenaagu banndu e ndeenaagu yonki.

Sardī 19 :

Yimbe fu yo potu. Be potu neddaaku e haanere. Walaa ko waawi wadude heba wi'ee bee yimbe na buri bee to yimbe.

Sardī 20 :

1. Suudu baaba fu na jey wonude. Suudu baaba fu na haani tawee kam jey hoorem. Rewa doon dartina no bantortoo, e laawol ngol jey rewude heba bantoo.
2. Suudu baaba wadaandu maccudo, tampinaandu fu, na jey durwude te'ta hoore muudum tawee wallitoraakinaa kabitirdi dī Leyde fu anndi fiyaa mubbox.
3. Leydi ngonndi hen Dartorde nde fu, na jey daranaade suudu baaba durwooru heba hewta hoore muudum e yanane, yuude politikki, riiku faa e anndal.

Sardī 21 :

1. Leydi fu, kam jey jawdi muudum, wada ko burani dum fu, dow nafaa suudu baaba fu. Suudu baaba waawaaka hafeede duum.
2. So Leydi te'taama ko jey, Leydi ndiin na waawi rewa yāma faa hewta ko te'taa duum ; de beydanee ko yoni beydaneede.
3. So Leydi na nawtoroo jawdi muudum, kanaa tawee nafaa oon bonnataa ko woni hakkunde muudum e jende godde de na habbodii rafi toonyondirde, gollidinde, rewude sariya hakkunde Leyde e leyde.
4. Leyde ngonande Dartorde nde, anniyoke nawtoraade jawdi mubbox tawee no buri semmbinirde go'tummbaaku e wallitondirde Afirikki buri habbude boy hoore.
5. Leyde ngonande Dartorde nde, anniyoke timminde faggitereede heba yimbe Leydi fu keba nawtoroo jawdi Leydi ndiin. Ko be buri daranaade fu, yo timminde faggitoragol ngol kawrite ngonde nder Leyde kewde de, paggitortoo yimbe de.

Sardī 22 :

1. Haanere bantaare riiku, bantaare yimbe e bantaare finaatawaaji na wonani yimbe fu, tawee na be ngondi ndimaaku maabbe, neddaaku maabbe, na be mbaawi nawtoraade ko adunaaru fu jey.
2. Na yonani Leyde fu, ngo'tiri ngo'tiri maa kawrita, ndaranoo hanere bantaare.

Sardī 23 :

1. Haanere jam e ndeenaagu na wonani yimbe fu, illa e Leyde mubbox faa e Leyde janane. Dartorde Kawral Leyde (faransiire na innditira ONU) e Dartorde Hawjoore go'tummbaaku Afirikki ndartinii wallondirde e yidonndirde ; duum du gollirtee

hakkunde Leyde e leyde.

2. Heba jam, wallondirde e yifondirde semmbinee, Leyde ngonde hen Dartorde nde kadii :
 - i. Mo Haanere reeneede nde dabbi ndeenaagu dagu no sardi 12 Dartorde nde fukkiniri nih, waawaa gollude golleeji mbonnanooji Leydi ndi yuuri ndi, maa Leydi ngonndi hen Dartorde nde fu ;
 - ii. Neddo waawaa wallitoraade Leydi njabundi dum ndi, bonnana Leyde godde, ngonde hen Dartorde nde.

Sardi 24 :

Haanere piilki lobbi, kuubuki, bantoohi, na wonani yimbe fu.

Sardi 25 :

Leyde ngonde hen Dartorde nde fu na njoni ndaroo, banta kaane e ndimaakuji ngondi nder Dartorde nde fu, bantira jannde, mbirdi ; nde daroo du faa hannden heba ndimaaku fu e haanere fu, tawee na fibondiri e yonere muudum.

Sardi 26 :

Leyde ngonde hen Dartorde nde fu, na njoni tabintinde ndimaaku Gosirde ; de de mballa Leydi fu heba sarwiisiiji mawdi mballooji bantaare e reenere kaane e ndimaakuji di Dartorde nde tabintini.

TUMMBITERE II : HENDE E YONEREELJI

Sardi 27 :

1. Yonereeji na ngoni hakkunde mono fu e baade, e yimbe, e Leydi, e taye taye Leydi, e yimbe Leyde adunaaru fu.
2. Yonereeji e ndimaakuji mono fu, mbaawaa sellude so kakkilanaay yonereeji e ndimaakuji wofbe, ndeenaaguji yimbe hewbe, ne'di e ko nafata suudu baaba fu.

Sardi 28 :

Na yoni mono fu, teddina yimbe taa senndiru tawee fay gere ; faamitondira e mabbe faa teddeengal e yarlondirde wada.

Sardi 29 :

Mono fu na yoni :

1. Daranoo bantaare baade, potal e teddeengal baade ndeen ; teddina be hawti inna e/maa baaba, de walla be so be mballeebi ;

2. Wallita suudu baaba, wallira dñum no waawiri fu, daranoo dñum ;
3. Wada no wadata fu taa lunndoo ndeenaagu Leydi ndi yuuri maa ndi woni ;
4. Wada no wadata fu taa lunndoo ndeenaagu Leydi ndi yuuri maa ndi woni ;
5. Daroo wallita Leydi muudum rimda, hibba ; so Leydi muudum habdaama, daroo sanne dagu no sariya yamiri nih ;
6. Golla kadde ko waawi fu, yoba ko sariya wi'i yobee fu heba Leydi yaara yeeso ;
7. Daroo taa finaataawaaji Afirikki lobbi di lalla, nder sawraare, nder faamitondirde ; daree heba yimbe korsina neddaaku ;
8. Daroo kaddi ko waawi fu, e no waawiri fu, heba go'tummbaaku Afirikki laatoo.

TUMMBERE DIDABERDE : *GOLLITIRDI MBALLITORDI*

TUMMBITERE I : TAYERE KAANE BII AADAMA E KAANE YIMBE : YIMBE MAYRE E HAWJAGOL MAYRE

Sardí 30 :

Hawjoore go'tummbaaku Afirikki wadanaama tayere daraniinde Kaane bii-aadama e Kaane yimbe nder Afirikki na innditiree “Tayere” ; nde daranaakinaa bantaare e ndeenaagu Kaane bii-aadama e Kaane yimbe nder Afirikki.

Sardí 31 :

1. Tayere nde yimbe sappo e go'o wondi. Nder bibbe Afirikki burube dawla, anndiraabe neddaaku, rafi fewre, rafi yidinere, njogiibe anndal faro Kaane bii-aadama e Kaane yimbe, nder mabbe yimbe been cubetee. Nder subo-subo ngo, anndanbe sariya buretee hakkilaneede.
2. Ngondo nder Tayere nde fu, dow inndem wonani.

Sardí 32 :

Leydi fu neddo go'to jey tawreede nder Tayere nde.

Sardí 33 :

Kawrital Hooreefé Leydi e Hooreefé battaa en won cubotoongal yimbe Tayere nde. Nder subagol ngol, mono fu kam e Alla anndidi. Inde yimbe cubeteebe ße, tawataakenaa inde yimbe Leyde ngonanande Dartorde Afirikki nde.

Sardí 34 :

Leydi ngonanndi Dartorde Afirikki nde fu, na waawi tawreede yimbe dido kaajaabe taweede nder yimbe Tayere nde. Kanaa tawee mono e mabbe fu, yuurataanaa nder Leydi ngonanndi Dartorde nde. So Leydi ngo'tiri muuyii wa'tude yimbe dido nder Tayere nde, kanaa dido ße, tawee njeyaaka Leydi ngo'tiri.

Sardī 35 :

1. Sekereteere Jeneral Hawjoore go'tummbaaku Afirikki yamiran Leyde ngonande Dartorde Afirikki nde fu, kollita, illa subagol na heddi ko wadi lebbi nay, yimbe mußboy kaajaabe taweede nder Tayere nde.
2. Sekereteere Jeneral Hawjoore go'tummbaaku Afirikki dartinira inde kaajaabe subeede dagu no yí'e fulfulde/pulaar njokkondirta nih, de inde deen nildee Hooreebe Leydi e Hooreebe battaa en

Sardī 36 :

Yimbe Tayere nde, duubi jeegom ittantee, so diin taaboke, nde wo'tere mono fu waawi subeede gadin. De nayo artaabé cubaa illa e aranal be, duubi didi de timmina ; tato heddiibe be, duubi nayi, de ko ittanano timma.

Sardī 37 :

Subo subo ngo na timma, Hooreejo kawrital Hooreebe Leydi e battaa en, na suboroo podooje yimbe be haala mußboy haaletee nder sardī 36.

Sardī 38 :

Gada subo subo ngo, ittaabe be anndinan jawdi mußboy de anndina koo keedantaa fay go'to, njoppataa laawol ngol ndewnaa.

Sardī 39 :

1. So neddo Tayere nde, maayii maa yoppii lunnde muudsum, kanaa hooreejo Tayere nde hollita Sekereteere Jeneral Hawjoore go'tummbaaku Afirikki ; kam faaminta koo lunnde ndeen walaa njewudo illa nyandina mayde nde maa illa nde lunnde ndeen yoppanoo nde.
2. So yimbe Tayere nde fu, kawrii paamitondirii koo won njoppudo golle muudsum tawee wanaa yoppu heba warta adita, maa won mo waawataa gollude golle muudsum gadi, Hooreejo Tayere nde, hollitan Sekereteere Jeneral Hawjoore go'tummbaaku Afirikki ; kam du hollita koo jonnde yoppaande nde walaa joomiyo.
3. So ko wi'aa dow dum wadii, kawrital Hooreebe Leydi e battaa en tewtata loomtoowo mo walaa doon, de tawee ko heddi ko o tayanano yottoo, waday lebbi jeegom.

Sardī 40 :

Ngondo nder Tayere nde fu, nyaaman laamu faa do loomtoowo dum wari loomti dum.

Sardī 41 :

Sekereteere Jeneral Hawjoore go'tummbaaku Afirikki yi'tata Sekereteere Tayere nde ; kam hokkata o walliibe e gollitirdi njonudi. Walliibe be e gollitirdi di e golleeji di, dum fu, yo Hawjoore go'tummbaaku Afirikki darantoo dum.

Sardī 42 :

1. Tayere nde subortaakonaa hooreejo muudsum e ndewtudo dum fu, duubi didi ; gada d iin, na be mbaawi subeede duubi didi goddi.
2. Tayere nde joyyinta laawi muudsum gollitirdi.
3. Heba duudal wi'ee na yoni, kanaa wada yimbe njeddo.
4. So nder subo subo, cubeteebe potii cubiibe, mo Hooreejo subowii hebeta.
5. Sekereteere Jeneral Hawjoore go'tummbaaku Afirikki na waawi taweede kawrite Tayere nde. De o subataako so na subee, tawataake so na hollee kebufo yimbe. De Hooreejo Tayere nde na waawi daaede haala so na jogii ko hollita yimbe.

Sardī 43 :

Nde rewi faa be cubaa, e faa doodo be acciti golle mo be cubanaa, kefal e dawla mo haanere nder Leyde anndani ndaraniibe Leyde mubboxy njannanndi fu, na woodani be, dagu no laawi Hawjoore go'tummbaaku Afirikki fukkiniri nih.

Sardī 44 :

Ko yimbe Tayere nde njey hokkeede e beyditaneede fu yaarataanaa dagu no Hawjoore go'tummbaaku Afirikki fukkiniri nih.

Sardī 45 :

Ko Tayere nde riiwata won ko rewti dum :

1. Bantaare Kaane bii-aadama e Kaane yimbe, ko buri fu :
 - i.Hawrondinde anndal, hebude hakkillooji dow ko habbodii Kaane bii-aadama e Kaane yimbe nder Afirikki, wadude kawrite e jonndeeji anndal, hollitinde anndal nji'taangal, janjinde ndaraniibe, nder Leydi faa e Leyde, Kaane bii-aadama e Kaane yimbe, hollude gofernema ko miilii maa dabude dum wada gadkiji.
 - ii.Winndude sariyaaji baaretedi heba gofernemaaji Afirikki ada laawi njokketeedi de saddaaji kadooji yimbe monoraade Kaane bii-aadama, Kaane yimbe e ndimaakuji njifa.
 - iii.Gollidinde e sarwiisiji Afirikki mawdi e sarwiisiji jende godde faa hannden, heba bantaare Kaane bii-aadama e Kaane yimbe hebee.
2. Daranaade ndeenaagu Kaane bii-aadama e Kaane yimbe dagu no Dartorde Afirikki nde fukkiniri nih.
3. Laabinde sardiji di Dartorde Afirikki nde tabintini so Leydi ngonanndi Hawjoore go'tummbaaku Afirikki, maa nder taye Hawjoore go'tummbaaku Afirikki, maa nder Hawjoore nde Hawjoore go'tummbaaku Afirikki anndi fiyaa muudsum fu, so Leydi ndiin dabbii laabinaneede.
4. Gollude golleeji di Kawrital Hooreebe Leydi e battaa en wi'i gollee.

TUMMBITERE II : HENDE E LAAWI TAYERE NDE

Sardī 46 :

Tayerē nde na waawi wallitoraade ko muuyi fu ; Sekereteere Hawjoore go'tummbaaku Afirikki, maa mbaawudo wallude nde fu na waawi hettinaneede.

Sardī 47 :

So Leydi ngonndi hen tawii ko Leydi ngo'ndi, ngonndi hen, lunndoke laawi Dartorde nde, Leydi lunndiindi ndi, na waawi winndee hollee koo lunndoke. Winndannde nde hokkete Sekereteere Hawjoore go'tummbaaku Afirikki e Hooreejo Tayere nde. So rewii faa winndannde nde yehii, Leydi lunndiindi ndiin, hollitan, taa burā lebbi tati, ko woni ; na ndi jey laabinirde gollitirdi sariya ko woni fu ; ndi holla laawi ndeweteedi, laawi ndewaadi e laawi dī ndi rewi.

Sardī 48 :

So winndannde nde hewtirii Leydi lunndiindi ndi lebbi tati, so lunndannde ndeen lunnditaaka, maa lunnditiraaki no fotirani Leyde didi de fu, Leydi muuyundi fu na jogii laawol yaarirde haala kaal Tayere to, e winndannde ; winndannde nde yaha to Hooreejo Tayere nde, to Leydi lunndiindi ndi, e to Sekereteere Jeneral Hawjoore go'tummbaaku Afirikki.

Sardī 49 :

Baka ko winndaa sardī 47 dum, so Leydi tawii koo Leydi banndum lunndoke laawi Dartorde Afirikki nde, Leydi ndiin na waawi wullitaade Tayere nde, hollita hooreejo mayre, hollita Sekereteere Jeneral Hawjoore go'tummbaaku Afirikki e Leydi lunndiindi ndiin fu.

Sardī 50 :

Tayerē nde waawaa daranaade lunndannde nde so wanaa tawee koo laawi njonudī reweede de lunndannde lunnditoo fu, ndewaama ; maa tawee Tayere nde tawaanaa koo rafi lunnditaade lunndannde nde yo booyu faa narnditi ba won ko woni.

Sardī 51 :

1. Tayere nde na waawi wi'ude Leyde de potaade, kollita dum no haala mubbboy yahrata.
2. So haala kaal waraama hefa haalee, Leydi fu na waawi tewtude loomtoowo dum de holla maa winnda holla ko woni.

Sardī 52 :

So rewii faa Tayere nde hebii faamitoke no haalaaji diin njahrata, yuude ko Leyde de kolliti dum faa e ko yi'tani hoore muudum ; so rewii faa Tayere nde termii Leyde de paamitondira

tawee na kakkilani Kaane bii-aadama e Kaane yimbe, Tayere nde na waawi, tawee taa fooya sanne dagu no sardi 48 yamiri nih, wadude winndannde holloore ko dartini dow haala kaal. Winndannde ndeen hokkee Leyde deen, de hokke Kawrital Hooreebe Leydi e battaa en.

Sardī 53 :

So winndannde nde waraama heba hokkee fu, Tayere nde na waawi hollitinde Kawrital Hooreebe Leydi e battaa en, hakkillooji leebudi wallitoreede.

Sardī 54 :

Nde Kawrital Hooreebe Leydi e battaa en ngal wanaa juujuurewal hawri fu, Tayere nde na hollitin ko golli.

Sardī 55 :

1. Fadde kawrital ngal wanaa juujuurewal e hawrude fu, Sekereteere Tayere nde, hollan ko haaleete, baka ko Leyde kabobiide e Dartorde Afirikki nde kaalata dūm ; o hollitan dūm yimbe Tayere nde fu heba yamtinoo Tayere nde so na kaajaa.
2. Tayere nde na waawi yamtineede so kaajaabe burii feccere yimbe Tayere nde.

Sardī 56 :

Heba haala njaaraaka Tayere to, kabobiika sardī 55 e Kaane bii-aadama e kaane yimbe, heba ka hakkilanee, kanaa :

1. Hollee moy haajaa ka haalee fay so kaajaado oon dabbii Tayere nde, taa holla inndem ;
2. Tawee na habbodii e Dartorde Hawjoore go'tummbaaku Afirikki maa dartornde nde ;
3. Taa tawree jennooje maa ko huyfinta Leydi mbi'aandi yo lunndi ndiin, maa Taye taye Hawjoore go'tummbaaku Afirikki ;
4. Taa laatoo hawrondinde kibaaruuji di kibaarujum maa kibaarunkoobe kokki ;
5. Tawee gada gosuushi njeyitaadi ngosaa so wanaa tawaakanaa koo yeeyitagol gosa ngol yo booyu faa diwti ;
6. Tawee gada gosu yeeyitaangu gosaa ngu, booyiraay noon fu de waddaa maa tawee waddaama Tayere do, illa nde yonunoo waddeede nde ;
7. Tawee wanaa haala tayiraaka laawi Dartorde Kawral Leyde (faransiire na innditira ONU), maa Dartorde Hawjoore go'tummbaaku Afirikki, maa laawi Dartorde nde'.

Sardī 57 :

Fadde haala haala e haaleede, Hooreejo Tayere nde hollitan Leydi kaaleteendi ndiin haala kabobiika e muudum.

Sardī 58 :

1. Gada Tayugol haala Tayère, so tawaama won haala maa haalaaji kaaludi haala lunndande Kaane bii-aadama e kaane yimbe, Tayere nde na jey hollitinde Kawrital Hooreebe Leydi e battaa en ko woni nder majjum.
2. Kawrital Hooreebe Leydi e battaa en, na waawi wi'ude Tayere nde wada no wadata fu, faamitoo faa wooda de holla ko woni ; wada winndannde holloore ko woni e ko leebi wadfeede heba fu gasa.
3. So Tayere nde tawii doole wadfee lawlaw, na nde waawi yi'oyde Hooreejo Kawrital Hooreebe Leydi e battaa en heba wada dum hakkilanee hunnde.

Sardī 59 :

1. Ko dartinaa nder tummbitere nde fu, na wodii holliteede ɓe baka mubboy walaa, faa doodo Kawrital Hooreebe Leydi e battaa en yoofii laawol.
2. De hadataa Hooreejo Tayere nde na waawi hollitinde dum yimbe so Kawrital Hooreebe Leydi e battaa en yoofii laawol.
3. Hooreejo Tayere nde na waawi hollitinde yimbe winndannde holloore ko tayere nde golli, so Kawrital Hooreebe Leydi e battaa en yeewitodoke winndannde ndeen.

TUMMBITERE IV : LAAWI GOLLITIRDI

Sardī 60 :

Tayere nde wallitoroke Haanere nder Leyde haֆbodiinde e Kaane bii-aadama e kaane yimbe, ko buri fu laawi gollitirdi Afirikki kabбodiidi e Kaane bii-aadama e kaane yimbe, beydi laawi gollitirdi kabбodiidi Dartorde Kawral Leyde (faransiire na innditira ONU), kabбodiidi e Dartorde Hawjoore go'tummbaaku Afirikki, kabбodiidi Anndinere Kaane bii-aadama, laawi gollitirdi godsi faa hannden di Kawral Leyde, beyda Leyde Afirikki hende e Kaane bii-aadama e kaane yimbe, beyda laawi gollitirdi di taye taye kabбodiide Kawral Leyde tabintini ; Leyde deen fu na ngoni hen Dartorde nde.

Sardī 61 :

Heba Tayere nde heba yi'tana gollitirdi annditirdi laawi Haanere, de Tayere nde na hakkilani ko tabintinanoo hakkunde Leyde, haajaa tawee huubu maa seebin, na dartina gollitirdi di Leyde Hawjoore go'tummbaaku Afirikki anndi fiyaa mubboy, ngadkiji Afirikki ndewudi laawi Kaane bii-aadama e kaane yimbe, finaatawaaji ndariidi darnde sariya, laawi Haanere di Leyde Afirikki anndi fiyaa mubboy e sariyaaji e miilooji godsi kabбodiidi e majjum.

Sardī 62 :

So rewii faa Dartorde nde fuddaama gollireede, Leydi ngonndi hen fu, wi'ii wadan, duubi d ididisi fu, winndannde dow sariyaaji ndartinaadi heba Kaane e ndimaakuuji di Dartorde nde dartini di fu, ngolliree.

Sardī 63 :

1. Leyde ngonude hen Dartorde Afirikki nde, na njey ma'ndinnde, jabande, rewude Tayere nde.
2. Laawi jabirdi maa ndewirdi Dartorde nde, to Sekereteere Jeneral Hawjoore go'tummbaaku Afirikki.
3. Dartorde nde na jey gollireede so ko Laawi njabirdi maa ndewirdi Dartorde mballiniranoo doodo Sekereteere Jeneral Hawjoore go'tummbaaku Afirikki wadii lebbi tati, tawee Leyde njabuse burii feccere.

TUMMBERE TATABERDE : LAAWI KEDDIIDI

Sardī 64 :

1. So rwii faa Dartorde nde fuddaama gollireede, yimbe Tayere nde cubete dagu no laawi keedandi dūm mbi'ri nih.
2. Sekereteere Jeneral Hawjoore go'tummbaaku Afirikki noddan kawrital Tayere nde fu, aranan, nokku Hawjoore toon. Ko rewtoya, nde yoni de kawrital wadee ; ammaa hitaande fu, na tilsi Hooreejo o nodda fay so kawrital go'tal.

Sardī 65 :

So rewii faa Dartorde nde fuddaama gollireede, Leydi jabundi maa ndewundi nde, lebbi tati fukkinirta laawi njabirdi maa ndewirdi di, de sakitoo fuda gollirde nde.

Sardī 66 :

So won no worndi, laawi Dartorde nde warowan bēyditoroo bi'ande maa jabande cellude.

Sardī 67 :

Sekereteere Jeneral Hawjoore go'tummbaaku Afirikki hollitata leyde, koo laawi jabirdi maa ndewirdi pukkinaama

Sardī 68 :

Dartorde nde na waawi hegiteede maa so won Leydi muuyundi dūm hegitee. Ndeen le, kanaa Leydi ndiin winnda Sekereteere Jeneral Hawjoore go'tummbaaku Afirikki hollita. Kawrital Hooreebe Leydi e battaa en haalantaake haala hegitere nde so wanaa nde tawi koo Leyde fu kollitiraama no yoniri, de tawee Tayere nde jabani Leydi dabbundi hegitere nde. Ko hegitetee duum hegitataake so wanaa nde tawi koo burube feccere njabanii hegitere ndeen. Ko hegitaa duum gollirtaake nder Leydi so wanaa nde Leydi ndiin holliti Sekereteere Jeneral koo jabii ko hegitaa duum. De kanaa Leydi ndiin hedforoo lebbi tati gada hollitingol muudum Sekereteere Jeneral.

*Tabintinaama jedidaburdu 1981,
Kawrital Hooreebe Leydi e battaa en sappo e jeetatabal
Nayrobi, Keniya*